

松雪齋文集

松雪齋文集卷第四

律詩

春寒

夜雨鳴高枕春寒入敝袍  
時光自花柳吾意豈蓬蒿  
失色黃金盡知音白雪高山  
林隱未得空覺此生勞

雪後同子俊遊何山次韻四首

同是清閒客俱為放浪遊  
晴山依雪壯野水帶冰流  
風急松杉亂年登薺麥收  
生涯雖未老吾欲覓菟裘

步履行危磴憑闌得妙峰  
鳥飛迷故道人去想遺蹤  
掩冉風前竹支離澗底松  
山僧飯不足不是忘鳴鍾

兵革時猶動山林日就荒  
子真思隱遁詹尹問行藏  
有意隨三飯無人饋五漿  
遠山湖外白立馬見微茫

湍駛波翻雪風生地出雷薄醪隨意盡寒氣逼人來更欲  
明朝去何妨迫暮回自憐非李廣醉尉莫相猜

早春

谿上春無賴清晨坐水亭草芊隨意綠柳眼向人青初日  
收濃霧微波亂小星誰歌采蘋曲愁絕不堪聽

重遊弁山

出郭聞鶯語穿林散馬蹄澗松何鬱鬱春草又萋萋白石  
那堪煮丹厓倘可梯平生愛高興只合此幽棲  
竹色迷行徑松聲洶座隅水清花自照風暖鳥相呼飲罷  
思棋局歌長缺唾壺重耒瀟洒地聊足慰須臾

魚樂樓

樓下南來水清冷百尺深菰蒲終夜響楊柳半谿陰日月

驅人世江湖動客心向未歌舞宴達曉看橫參

秋夜

草蔓行多露虫聲報早秋明河斜未轉大火已西流欲作  
傳杯飲誰能秉燭遊清晨拂鞍馬適野擬消憂

次韻陳無逸中秋月食風雨不見

谿月當圓夜看雲起莫愁曾陰連積水伏雨暗清秋白璧  
難容玷明珠不可求每曰觀節物轉覺此生浮

獨夜

生事怜吾拙懷人阻道脩角聲悲靜夜燈影伴幽憂水落  
紅衣老天寒翠袖愁雲中有過鴈哀叫亦何求

次韻子山登樓有感

西北高樓好登臨望眼空弁山橫雨外笠澤浸天東計乏

千金藥着看百鍊銅只應將世事都付酒杯中  
懷古情何極登危氣尚雄江山一時勝宇宙百年中翠袖  
愁空谷綈袍受朔風超然高舉意決肯送孤鴻

聞角

吹角秋風裏邊聲入暮雲抑揚如自訴哀怨不堪聞老馬  
行知道孤鴻飛念羣柝今霸陵尉那識舊將軍

次韻馮伯田秋興

搖落故園秋谿山處幽無錢頻買酒多病倦登樓文采  
陶彭澤丹青顧虎頭誰能混流俗浩蕩一浮漚  
風緊草木變露寒沙水清蕭蘭嗟共悴鷓鴣忍先鳴黃閣  
非吾事青山不世情浩歌聊感激裘馬任肥輕

興逐秋風發愁隨秋夜長繫書陽鳥遠促織候虫忙世已

無劉表家徒有孟光故衣寒未補發篋動幽香

本齋先生挽詩

昔我先君子交遊半老儒詞林宗匠在制閫輔臣須晚節  
風塵際閑居歲月徂謬稱詩賦善深痛典刑無  
德邵龜齡邁神全鶴髮春管寧安皂帽龔勝謝蒲輪小楷  
名空在遺言意更親平生知己恨淚落雪溪濱

公為孟頫作研銘嘗刻之研底又臨終呼孟頫  
多所囑故云

贈權季玉兼簡李順甫

幕府文書靜湖山春事多風烟歸逸興花鳥助高歌自愧  
諸生後其如二妙何卜鄰應有日退食數相過

奉和帥初兄將歸見簡

戴子文章伯不為時所知朱絃非眾聽白璧易群疑海樹  
生秋早江舡度越遲莫愁千里別要作百年期

我坐幽憂疾非君誰與娛清談忘日夜高論到唐虞天地  
無青眼江湖有白須客居寧鬱鬱歸興託尊鱸

送楊幼澄教授歸江西兼寄吳幼清

客裏相從久愁中欲別難此行登仕版未覺負儒冠北度  
憐江揔東歸憶幼安著書應滿屋妙處共誰看

送李清甫由御史出按四川

蜀道青天上繡衣駘馬行霜威御史府春色錦官城萬里  
平反報三年荈水情相逢一杯酒似為別離傾

送劉伯常淮東都事

久客倦遊甚思歸勞寸心之子復南邁欲別惜先陰蕭條

楚山遠渺渺淮水深夢中不可到何用解愁襟

晉公子奔狄圖邀端父御史同賦

杌隍居蒲日艱難奔狄時天方興伯者數子實從之歲久  
丹青暗人賢簡冊悲至今綿上路猶憶不之推

題米元暉山水

卧遊渺萬里楚天清曉秋初日江上出白雲山際浮莽蒼  
迷烟樹隱約見孤舟丹青不可作思子徒離憂

送張仲實還杭州

張子早英發賦詩遺垢氛瘦骨映秋水青眼視晴雲黃公  
酒壚側王令為書裙相望苦不遠何用惜離分

食粥

杲杲西流日滔滔東逝波春光蘄丘晚柳色上林多不道



含香賤其如食粥何明時無小補郎署謾蹉跎

酬衛處士見贈

之子有道氣山居詩興多琴清鶴自舞林靜鳥能歌未遂  
携家隱深慙輟棹過他年從杖屨養壽向岩阿

送吳禮部奉

旨詣彭湖

為國建長策此行非偶然止戈方見武入海不求仙朱紱  
為郎日金符出使年早歸承

聖渥圖像上凌烟

大司農侯公挽詩

理學推高第清朝位列卿政聲先日著經術莫年精乍識  
俄離逖方閑遽隕傾重為天下惜涕淚落縱橫

和周景遠見寄二首

四海多兄弟交情子獨親  
方將尋艤艫何意畫麒麟  
簿領淹豪士江湖著散人  
相看俱老大喜見二毛新  
止酒陶彭澤能書王右軍  
逃禪寧辟俗感舊惜離群  
澤國茫茫水霜空黯黯雲  
為農投老去北望隱思君

奉

隆福召命赴都過德清別業

驟喧氣候變幽園卉物淒  
山雲石上起春鳥雨中啼  
牽衣憐稚子舉案愧山妻  
苦被虛名累未得遂高棲

謝石林贈湖石次其韻

怪石曾聽法來從不二門  
玲瓏浮磬韻斑駁古苔痕  
池月岩邊上春雲水面屯  
微尔能輟贈此意向誰論

筇竹杖贈天聖長老仁公仁有詩次其韻

瘦節蒼骨聳臙膚黃玉溫苔間時卓地月下屢敲門持贈  
松廬老携尋水竹村歸來倚空壁夜氣與俱存

胡穆仲先生挽詩

我有三益友對之如古人布衣甘陋巷書冊老遺民淚落  
黔婁被神傷郭泰巾請為千字誄書刻上堅珉

贈永清曹顯祖縣尹

赤縣郎官宰清朝學士班雲端雙履去花底一琴間鴻鵠  
宜天路騏驎近

帝閑會當從此台豈待及瓜還

贈鄭之僑

我有故人子少年能綴文偏工吟九日已解賦齊雲落

駒千里昂鶴出群却憐吾老矣須鬢白紛紛

來鶴亭在杭州開元宮吾往年遊宮中而適有鶴

來因為書二字以名亭

客遊真館日鶴來玄圃時援筆二大字欣然千載期長鳴  
松月照屢舞竹風吹天路何寥廓吾與尔同之

大都遇平江龍興寺僧間上座話唐綦毋潛宿龍  
興寺詩因次其韻

聞說龍興寺多年未款扉風林發松籟雨砌長苔衣殿古  
燈光定房深磬韻微秋風動歸興一錫向空飛

李太白酒樓在任城今新濟州是

城迥當平野樓高屬莫陰謫僊何俊逸此地昔登臨慷慨  
空懷古徘徊獨賞心嶧山明望眼百里見遙岑

送翟伯玉雲南省都事

萬里雲南路青山落照邊  
省郎新紫綬幕府舊紅蓮  
見面嗟吾晚觀文覺子賢  
只應清湫氣不受瘴溪烟

題趙敬父侍御祖德詩

弃子抱兄子古來聞鄧攸  
賢哉趙氏母盛德邁前脩  
陰隲理湏溲高門慶自流  
詵詵庭下玉簪笏盡公侯

獲周豐鼎見博古圖第三卷銘六字

豐鼎制特小周人風故淳  
摩挲玉質潤拂拭翠光勻  
鑄法觀來妙銘文考更真  
平生薦好古對此興弥新

贈劉節軒侍御

駸馬人皆避沙鷗意獨閒

天恩霑贈典泉壤慰慈顏  
樂在簞瓢外春生杖屨間  
閒閒

且行樂但恐趣朝班

雨

撼：衆葉響滋、生意新知誰實揮洒解使盡圓勻蛛網  
懸珠絡荷盤瀉汞銀喜涼生枕簟愁潤逼夜巾

寄題陸振之與閒堂

一閒天所與萬事世從疎名教有樂地安心為廣居林間  
聽啼鳥濠上看遊魚意適無餘想時還讀戒書

次韻觀復表兄見簡

寒雨何時已停雲不肯開難陪山簡醉空憶謫僊才梅蕊  
枝：發幽禽日日来可厭無過我真復要詩催  
載酒無人到山園畫掩門泥深妨步屨雨暗只空村每憶  
文園渴難忘北海尊何當來就飲聽我撫桐絲

故兩浙運使李公挽詩

昔我閒居日公來作守時  
敝廬曾寓止暇日每娛嬉  
篆籀傳書法絃歌送酒卮  
情親自茲始歲晚辱深知  
白髮儀刑老清朝侍從班  
理財羞聚斂治郡已恫瘝  
卧疾留南久招蒐竟北還  
向來漳水道淚落郭西山

送張夢符郎中還朝

侍從班行近咨謀出使頻  
乘輅山水國把酒浙江春  
駘馬歌仍在祥麟德自馴  
大書誠有法妙句不無神  
愛士容踈放忘年接隱淪  
回轅瞻斗極聽履上星辰  
此別真堪惜茲情未易陳  
數公如見問為說混風塵

送董叅政赴召

丹極飛明詔鋒車召老臣  
仲舒經術邃賈誼讜言陳  
偃草

懷殊俗安田慰遠人公心如皦日江國自熙春散亂堆林  
帙蕭颯滿案塵詭隨吾不忍高卧理還伸入奏能回主當  
言莫愛身衮衣瞻望重丈席侍趨頻鈔槧工無益樵漁意  
已親白鷗波萬里浩蕩未能馴

投贈刑部尚書不忽木公

胄子何多士明公特妙年詩書師法在簪紱相門傳曳履  
星辰上分光日月邊

帝心知俊彥群望屬英賢大木明堂器朱絲清廟絃吉人  
詞自寡君子德為先斷獄陰功厚優儒禮數偏戒非天下  
士人謂地行僊山好雙游屐溪清一釣舡賦詩時遣興好  
客恨無錢政爾韋編絕俄聞束帛爻風塵驅駟騎霜雪洒  
鞍韉別婦經春夏離鄉整四千家書愁展讀旅食困憂煎



郎位蒙超擢官曹幸接聰屢聞哦鄙句信或有前緣知己  
誠難遇捫心益自怜樊中淹澤雉春晚怨啼鶻驥病思豐  
草鴻冥羨遠天仁言如借便白首向林泉

送夾谷公分省陝西

憶泛長楊獵于時始識公堂堂九尺幹落二萬夫雄補袞  
弥縫密能書點畫工勞謙迺士類豈弟到皂童黃閣歸人  
望青雲有父風驅馳常扈從奏對每留中暫輟尚書履榮  
分陝右弓秦山依畫錦燕雪感秋蓬粉署超承舊瀛洲忝  
竊同因公動鄉思飛夢過江東

秋日即事

今日秋色好天高景不暄清飈動林薄涼意滿丘樊俗客  
無因至幽禽時自言露濃金盞側香遠玉簪餘誰辨東山